

## Das XXI. Cap.

Die Erste Predigt / vber das  
XXI. Capitel / in der Ordnung die  
LXXXVI.

## TEXTUS.

**D**ie Männer aber Israel hat-  
ten zu Mitzpa geschworen vnd gesagt/  
Niemand soll seine Tochter den Ben-  
jamitern zum Weibe geben. Vnd das  
Volk kam zu dem Hause Gottes / vñ  
bleib da bis zu Abend für Gott / vnd  
huben auff ihre Stimme / vnd weinea-  
ten sehr / vnd sprachen / O Herr Gott  
von Israel / warum ist das geschehen  
in Israel / das heute eines Stammes von Israel weniger  
worden ist. Des andern Morgens machte sich dz Volk  
frühe auff / vñnd bauete da einen Altar / vñnd opfferten  
Brandopffer vnd Danckopffer.

Vnd die Kinder Israel sprachen / wer ist irgend von  
den Stämmen Israel / der nit nit der gemeine ist herauff  
kommen zum Herrn. Den es war ein grosser Eydt ges-  
chehen / das wer nit hinauff keme zum Herrn gen Mitz-  
pa / der solte des Todes sterben. Vnd es rewete die Kinder  
Israel vber Benjamin ihre Brüder / vñ sprachen / Wente  
ist ein Stam von Israel abgebrochen / wie wollen wir ih-  
nen thun / das die vbrigen Weiber kriegen. Denn wir ha-  
ben geschworen bey dem Herrn / das wir ihnen von vns-  
ern Töchtern nicht Weiber geben.

Pre: